

Balou, 1j.



suechet äs Daheime mit Freigang

Liebi Tierfründe

S'isch baud Wiinachte, da dörf mer sich doch öppis wünsche, gäu? Ig wünsche mir äs eigens ändgütigs Daheime. Warum? Ig wohne derziit uf enere Pflägschtäu, cha abr dört nid uf Duur bliibe. U bis anne het sech no niemer Passends für mi inträssiirt. Drum!

Ig bi guet jählig, kaschtriert, gimpft, chipped, teschtet, schtuberein, gsung, fit u muntr. Äs Troumbüseli? Jaaa, aabr u das isch dr Hake: ig schtamme vo eme Hof u ha leidr i mineri Prägigsphase choum öppis dörfe chennelehre. Drum bin ig mega uusichr, gägeübr Mönsche u ou Hung u Chatz. Ig bi nid sozialisiert u lasse mi immr no nid aalange, vo niemer, nienisch. We Du mir z'näch chunnsch, denn wehre ig mi, wozue han ig Chrälle? Das isch nid bös gmeint, das isch meh us Angscht. Ig muess das eifach noch lehre mit die Mönsche. Hiufsch Du mir derbii? Mit Schpiue chasch Du mi scho us de Reserve locke, das lieb ig. U mit Ässe, das lieb ig no meh. Abr nid aafasse, gäu?

Ig sueche es ganz schpezieues Daheime bi chatzeerfahreni, sähr geduudigi Lüüt, die wo mir aui Ziit der Wäut gäh, um heimisch zwärde. Die wo mi lang gnueg dinne bhaute, nid nur es paar wenig Wuche, mir abr denn schpätr Freigang i sähr ländlecher Umgäbig chönnte biete. Durchs Törli düre. Ohni Ching, Hung u Chatz. Abr mit viu viu Ziit zum mir Zeige, dass d'Mönsche gar nid so übu sii u mir nid Böses wönnt. S'wär schö, we öpper sähr oft dihei isch, denn chöönt ig mi a ihn gwöhne. Villlicht öpper, der vo dihei aus schaffe tuet?

Bisch Du e ächte Chatzefründ u suechsch Du e Usseforderig? U es Erfougserläbnis, we Du mi hasch zähme chönne? Denn bisch Du dr Richtig, denn bisch Du mis Wiinachtsgschänk. U ig Diis! Denn müeset mir üs unbedingt lehre chenne. Ah ja, ig wohne derziit no z'Worb/BE, zügler abr gärn zu Dir, wo ou immr Du wohnsch. Mäud di doch bitte ganz gly bi dr Sonja Ball. Sie het sich mir agno u suechet für mi das Plätzli. Bsuechsch Du mi einisch? Auso zum gägesiiitig Aaluege, (no) nid zum Schtriichele!

Din Balou



Katze sucht Mensch – Mensch sucht Katze

Sonja Ball

Tel.Nr. 079 333 45 62 (Mo-Fr 18-20h)

kontakt@katze-sucht-mensch.ch